

গণপ্রজাতন্ত্রী বাংলাদেশ সরকার
জেলা প্রশাসকের কার্যালয়, সিলেট
(রাজস্ব শাখা)
www.sylhet.gov.bd

জলমহাল ইজারা প্রদানের বিজ্ঞপ্তি নম্বর-০২/১৪২৬

এতদ্বারা প্রকৃত নিবন্ধিত মৎস্যজীবী সমবায় সমিতি/মৎস্যজীবী সংগঠনের অবগতির জন্য জানানো যাচ্ছে যে, সিলেট জেলা প্রশাসনের ব্যবস্থাপনাধীন নিম্নবর্ণিত জলমহালসমূহ সরকারি জলমহাল ব্যবস্থাপনা নীতি, ২০০৯ এর আলোকে ১৪২৬ বাংলা সনের দখল প্রদানের তারিখ হতে ১৪২৮ বাংলা সনের ৩০ চৈত্র পর্যন্ত সময়ের জন্য (২০.০০ একরের উর্ধ্বে বন্ধ জলমহাল) ইজারা/বন্দোবস্ত প্রদানের লক্ষ্যে নিম্নলিখিত শর্তাধীনে আবেদন আহবান করা যাচ্ছে।

২. জলমহাল ইজারা সংক্রান্ত বিজ্ঞপ্তি পত্রিকায় প্রকাশের পর নিম্নবর্ণিত তারিখে বিভাগীয় কমিশনারের কার্যালয়, সিলেট, জেলা প্রশাসকের কার্যালয়, রাজস্ব শাখা, সিলেট ও এ জেলার সকল উপজেলা নির্বাহী অফিসারের কার্যালয় হতে আবেদনপত্র গ্রহণ ও দাখিল করা যাবে। তাছাড়া জলমহালের আবেদন আহবান বিজ্ঞপ্তি www.sylhet.gov.bd ওয়েব সাইটেও পাওয়া যাবে।

ক্রমিক নম্বর	আবেদন ফরম গ্রহণ ও দাখিলের সময়কাল	মন্তব্য
০১.	১৪-০৭-২০১৯ হতে ২৫-০৭-২০১৯ (অফিস সময়) পর্যন্ত	১০ (দশ) কার্যদিবস

ক্রমিক নম্বর	উপজেলার নাম	জলমহালের নাম	মৌজা	আয়তন (একরে)	সরকারি ইজারামূল্য	মন্তব্য
০১.	সিলেট সদর	হারিখাই বিল	কেওয়াছড়া	২৩.৪৯	৩,৯৯৬/-	
০২.		আন্দু সুরমা	গোপাল উত্তর	১২০.১৭	৬৮,৭৭৫/-	
০৩.		মেলান বিল	সর্বানন্দ	২৮৪.০০	৫,০০,০০০/-	৭৬/৯৮ স্বত্ব মামলাভুক্ত
০৪.		নোয়া বিল	রাজারগাঁও	৩৪.৩৪	১৭,৩২৫/-	২৩৪/০৫ স্বত্ব মামলাভুক্ত
০৫.		চামাউরা গ্রুপ	চাতল	৬৬.৭৮	১,০৫,০০০/-	১৫/৭৫ ও ৩৫/১৭ স্বত্ব মামলাভুক্ত
০৬.		এলংগী কাটা বিল	কালারুকা গং	৩১.৪২	৬০,০০০/-	১৯/১০ রাঃ মিঃ আঃ মামলাভুক্ত
০৭.		চেংগা মারা বিল	কেওয়াছড়া	২৭.২০	১,২২,৭৮৯/-	
০৮.		পুটিকাটা	চাতল	৬৫.৮৪	২,৭৯,৫৬৭/-	
০৯.		গোয়াই বিল	বড়শালা	২২.২৪	২২,৪৮৮/-	১৩২৮৬/১৬ রিট মামলাভুক্ত
১০.		সিংগি বিল	রাজারগাঁও	২৩.৫৩	২৫,৫২৬/-	৫০/৭৮ স্বত্ব ও ৮৮/৮১ স্বত্ব আপীল মামলাভুক্ত
১১.	দক্ষিণ সুরমা	ভাড়েরা বিল	গোটাটিকর	২১.১৩	৫৩,০৩২/-	১৭/০৮ স্বত্ব মামলাভুক্ত
১২.		চালনিয়া কাইছনা	চালনিয়া গং	২৪৮.০০	১,৫৭,৫০০/-	৪৩০৫/০৫ সি. আর. মামলাভুক্ত
১৩.		মাগুরা	ফারংপাশা	২৫.০৮	১,৪১৫/-	
১৪.		লোহাজুরি বিল	কুচাই	৬৫.০০	১,০০,০০০/-	৭৭২০/১০ রিট মামলাভুক্ত
১৫.		কুরুয়া গ্রুপ	চালনিয়া গং	৩৪.১১	৬২,০০০/-	
১৬.		পেটুকুরি বিল	চালনিয়া গং	৩১.৩৫	৫৭,০০০/-	২৮৬/১১ স্বত্ব মামলাভুক্ত
১৭.		হাওয়াচেরা বিল	চালনিয়া	৮৪.৩০	১০,০০,০০০/-	
১৮.		চাপরা বিল	শুরিগাও মহাম্মদপুর	৬৬.৩৯	৫,৯৯,২৩০/-	
১৯.		জৈন্তাপুর	তেলকুম বিল	ডুলটিরপার	২৮.৬৮	৪১,৫৮০/-
২০.	রাংপানি বিল		জৈন্তাপুর	৩২.৭৬	১০,৫০০/-	
২১.	বালাগঞ্জ	ছোট কুমারী বড় কুমারী	হরিশ্যাম	৪৭.৪০	১৫,২২৫/-	

Ruph

২২.	ওসমানীনগর	কালাসারা বিল	কালাসারা	২৬.৭৫	৩৪,৫২৯/-		
২৩.		বন্ধ কুশিয়ারা	খসরুপুর	৬৭.৬৯	১,০১,৫৩৫/-		
২৪.		চানপুর মহাজন	তাজপুর গং	৪১.৮৭	৯,৪৫০/-		
২৫.		কইয়াচুড়া ও বাটুচুড়া গ্রুপ	আনরপুর	৩১.৬৫	৪০,০০০/-	২৬৭৬/১৩ রিট মামলাভুক্ত	
২৬.	গোয়াইনঘাট	৮০ উনাই বিল	ছাতার গ্রাম	৩৩.২৪	১৬,৪৩৩/-		
২৭.		বুজাডং	বুগইলকান্দি গং	৩৪.৩৮	২,৩৬৩/-		
২৮.		বড় বুগইল বিল	দ্বারিখেল	৪২.৪২	২,৬২৫/-		
২৯.		শাল চাপরা	তুড়কভাগ হাওর	২০.৬৯	৪,২০০/-		
৩০.		১১১ হাইলা বিল	লামাপাড়া	৪০.৪০	৬৭,৮৬০/-		
৩১.		কুরুন্ডি বিল	খাস হাওর	৯৩.৫৯	১,৮৭,১৮০/-	৬৭১৮/০২ সি. আর. মামলাভুক্ত	
৩২.		চিরাবরাইল	পুরানগাঁও গং	১৬৯.২০	৫,৬৩,১৮৬/-		
৩৩.		কামদালি খাল	বাউরভাগ হাওর	২১.৬৫	৩৫,০০০/-		
৩৪.		মেধার খাড়া	নতুন ভান্ডা হাওর গং	৩৪.৫৭	২৯,৭৪৪/-		
৩৫.		৭৩ বড় কিকন	হোয়াউরা	২১.৭৭	৬৪,৪০৩/-		
৩৬.		কোম্পানীগঞ্জ	খলিতাজুড়ি চাপড়া গ্রুপ	খলিতাজুড়ি বিলের পার গং	২৪৯.২৮	১,৭৫,৩৩৬/-	
৩৭.			নভাগী	পাড়ায়া	৩৩.২২	১,৩১৩/-	
৩৮.	৮৩ ললির হাওর		ললিকান্দি	৬৭৯.০৬	৪,০১,৩১০/-		
৩৯.	বিয়ানীবাজার	মরামেদী বিল	খাসাড়া পাড়া	৩৯.৫০	৬৬,৫৩৩/-		
৪০.		গোলচি বিল	ছোটদেশ	৬০.৯৭	৫৬,৩৯৪/-		
৪১.	কানাইঘাট	ঝরঝরি বিল	মাটিজুরা	৪৭.০০	২০,১৭৬/-	২০৯/০৫ সি. আর. মামলাভুক্ত	
৪২.		শিয়াল হাওর	বাউয়ারকান্দি	৮৩.৩২	৭৯,৯০৫/-	১২৬৮/১০ সি. আর. মামলাভুক্ত	
৪৩.		জুর বিল	আলংগরা পাহাড়	২৮.৪৭	২৯,৪০০/-	১০৩৪০(আর)/১৯৯১ সি. আর. মামলাভুক্ত	
৪৪.	জকিগঞ্জ	বালাইট কারবালাই	বালাইট গং	১২২.৪২	১,০০,০০০/-	৮০৬/১৫ সি. আর. মামলাভুক্ত	
৪৫.		মইলাট বিল	মইলাট	৯০.৯০	২,৫০,০০০/-	৯৭৭১/১০ রিট মামলাভুক্ত	
৪৬.	ফেঞ্চুগঞ্জ	চিলুয়া তিনডুবি	কচুয়া বহর গং	৪০.৫৩	১৫,৩৯,২১০/-		
৪৭.	গোলাপগঞ্জ	বাছা কুড়ি	দক্ষিণভাগ হাওর	৩৪.৮০	২৪,৩১১/-		

বন্দোবস্ত প্রদানের শর্তাবলী

০১। নির্দিষ্ট জলমহালের নিকটবর্তী/তীরবর্তী প্রকৃত মৎস্যজীবী সমবায় সমিতি যা সমবায় অধিদপ্তরের নিবন্ধিত, সে সমিতি বা সমিতিসমূহ নির্দিষ্ট বা তীরবর্তী জলমহাল ব্যবস্থাপনার জন্য আবেদন করতে পারবেন এবং জলমহালের নিকটবর্তী/তীরবর্তী নিবন্ধিত মৎস্যজীবী সংগঠন/সমিতিগুলো প্রয়োজনীয় যোগ্যতা সাপেক্ষে অগ্রাধিকার পাবেন। কোন ব্যক্তি বা অনির্ভুক্ত সংগঠন আবেদন করতে পারবেন না।

০২। নির্দিষ্ট ফরমে প্রতিটি মহালের জন্য পৃথক পৃথক আবেদন দাখিল করতে হবে। আবেদনপত্রের প্রতিটি কলাম স্পষ্টাক্ষরে যথাযথভাবে পূরণসহ প্রয়োজনীয় কাগজপত্রসহ আবেদন করতে হবে। আবেদন ফরম ব্যবহারের মেয়াদ কেবলমাত্র নির্দিষ্ট তারিখ অর্থাৎ যে তারিখের জন্য ক্রয় করা হবে সেই তারিখে এবং যে জলমহালের জন্য ক্রয় করা হবে শুধুমাত্র সে জলমহালের ক্ষেত্রে দাখিলের জন্য প্রযোজ্য হবে। নির্ধারিত তারিখের পূর্বে ক্রয়কৃত কোন আবেদন ফরম দাখিল করা হলে তা বাতিল বলে গণ্য হবে। অসম্পূর্ণ আবেদন বাতিল বলে গণ্য হবে।

০৩। প্রতিটি আবেদন ফরমের জন্য জেলা প্রশাসক, সিলেট এর অনুকূলে ৫০০/- টাকা মূল্যমানের ব্যাংক ড্রাফট/পে-অর্ডার (যে কোন তপশীলি ব্যাংক হতে) দাখিল সাপেক্ষে আবেদন ফরম ক্রয় করা যাবে এবং ইহা অফেরতযোগ্য।

০৪। আবেদনের সাথে সংশ্লিষ্ট জলমহালের ইজারামূল্যের ২০% (শতকরা হারে) জামানত হিসেবে জেলা প্রশাসক, সিলেট এর অনুকূলে ব্যাংক ড্রাফট/পে-অর্ডার দাখিল করতে হবে। জামানতের অর্থ শেষ বছরের ইজারামূল্যের সাথে সমন্বয় করা হবে।

Rupak

০৫। আবেদনকারী কোন মৎস্যজীবী সংগঠন/সমিতিতে যদি এমন কোন সদস্য থাকেন যিনি প্রকৃত মৎস্যজীবী নহেন তাহলে উক্ত সমিতি জলমহাল বন্দোবস্তের অযোগ্য বিবেচিত হবে। আবেদনকারী মৎস্যজীবী সংগঠন/সমিতি বর্তমানে কার্যকর আছে তার প্রমাণস্বরূপ জেলা/উপজেলা সমবায়/সমাজসেবা কর্মকর্তা কর্তৃক (যেখানে যা প্রযোজ্য) প্রত্যয়নপত্র আবেদনের সাথে দাখিল করতে হবে।

০৬। প্রকৃত মৎস্যজীবী সমিতি যারা সমাজসেবা অধিদপ্তরে নিবন্ধিত, যেখানে প্রকৃত মৎস্যজীবী ছাড়া অন্য কোন সদস্য নেই তারাও আবেদনে অংশগ্রহণের জন্য উপযুক্ত বিবেচিত হবেন।

০৭। আবেদন দাখিলকারী সমিতি কর্তৃক বিগত ০২ (দুই) বছরের অডিট রিপোর্ট দাখিল করতে হবে। তবে নতুন নিবন্ধিত সংগঠন/সমিতির জন্য অডিট রিপোর্টের প্রয়োজন হবে না।

০৮। নির্দিষ্ট ফরমে আবেদনপত্র দাখিলের সময় প্রকৃত মৎস্যজীবী সমবায় সংগঠন/সমিতি তাদের সদস্যদের নামের তালিকা (ছবি ঠিকানা সহ) এবং নির্বাহী সদস্যদের নামের তালিকা (ঠিকানা সহ) সংযুক্ত করবেন এবং একইসাথে তার অনুলিপি উপজেলা জলমহাল ব্যবস্থাপনা কমিটির নিকট আবশ্যিকভাবে দাখিল করবেন।

০৯। আবেদনপত্রের সাথে সমিতির রেজিস্ট্রেশন প্রদানকারী কর্তৃপক্ষের হালনাগাদ প্রত্যয়ন সংযুক্ত করতে হবে। তাছাড়া সমিতির রেজিস্ট্রেশন নম্বর ও তারিখ, সংগঠন/সমিতির নির্বাচিত কমিটি, গঠনতন্ত্রের কপি, সমিতির সভার কার্যবিবরণী, সার্টিফিকেট মামলা নেই মর্মে হালনাগাদ প্রত্যয়ন পত্র ও ব্যাংক সলভেন্সী প্রত্যয়নপত্র সহ প্রয়োজনীয় তথ্য এবং সমিতির সকল সদস্যের ছবি ও জাতীয় পরিচয়পত্র/নাগরিক সনদনপত্রের ছায়ালিপি সংযোজন করতে হবে।

১০। জলমহালের মৎস্য চাষ/উৎপাদন/সুষ্ঠু ব্যবস্থাপনার পরিকল্পনা/রূপরেখাসহ প্রয়োজনীয় তথ্য আবেদনের সাথে আবশ্যিকভাবে সংযুক্ত করতে হবে।

১১। যে সকল মৎস্যজীবী সমবায় সমিতির/সংগঠনের নিকট কোন জলমহালের বকেয়া রাজস্ব পাওনা রয়েছে অথবা যাদের বিরুদ্ধে জলমহাল রাজস্ব সংক্রান্ত কোন সার্টিফিকেট মামলা আছে অথবা সংগঠন/সমিতির কোন জঙ্গি সম্পৃক্ততা থাকলে তারা জলমহাল ইজারা সংক্রান্ত কার্যক্রমে অংশগ্রহণ করতে পারবেন না এবং তাদেরকে উন্নয়ন প্রকল্পের আওতায়ও কোন জলমহাল ইজারা প্রদান করা হবে না। তথ্য গোপন করে অথবা ভুল তথ্য পরিবেশন করে কেহ যদি জলমহাল ইজারা কার্যক্রমে অংশগ্রহণ করেন কিংবা উন্নয়ন প্রকল্পের আওতায় কোন জলমহাল বন্দোবস্ত পান তাহলে তা বাতিল করা হবে এবং জামানতের অর্থসহ ইজারামূল্য সরকারের অনুকূলে বাজেয়াপ্ত হবে।

১২। আবেদনপত্রের নির্দিষ্ট স্থানে আবেদনকারী স্বাক্ষর করবেন। আবেদনপত্রে কোন কাটাছেড়া বা ঘষামাজা করা যাবে না। আবেদন ফরমে কোন প্রকার ফুইড ব্যবহার করা যাবে না, ব্যবহার করা হলে তা বাতিল বলে গণ্য হবে।

১৩। আবেদনপত্র ক্রয়ের রশিদ/পে-অর্ডারের ছায়ালিপি আবেদনপত্রের সাথে সংযুক্ত করতে হবে।

১৪। জলমহালসমূহ সাময়িক ইজারা প্রদান করা হয়ে থাকে, তাই জলমহালসমূহ যেখানে যে অবস্থায় আছে সে অবস্থায় ইজারা দেয়া হবে। আবেদনকারীকে আবেদনপত্র দাখিলের পূর্বে সরেজমিন পরিদর্শন করে মহালের প্রকৃত অবস্থা সঠিকভাবে জেনে আবেদন করতে হবে। পরবর্তীতে এ সংক্রান্ত কোন আবেদন/আপত্তি গ্রহণ করা হবে না।

১৫। খামের উপর উপজেলাসহ জলমহালের নাম অবশ্যই উল্লেখ করতে হবে।

১৬। জেলা জলমহাল ব্যবস্থাপনা কমিটি/বিভাগীয় কমিশনারের সিদ্ধান্তের পরিপ্রেক্ষিতে বন্দোবস্ত/ইজারাপ্রাপ্ত সংগঠন/সমিতিতে ১ম বছরের সাকুল্য ইজারামূল্য সিদ্ধান্ত প্রদানের ১৫(পনের) কার্যদিবসের মধ্যে একসাথে পরিশোধ করতে হবে। ইজারার অর্থ আংশিক বা কিস্তিতে পরিশোধ করা যাবে না। নির্ধারিত তারিখের মধ্যে সম্পূর্ণ ইজারামূল্য পরিশোধে ব্যর্থ হলে বন্দোবস্ত/ইজারা বাতিল করা হবে এবং জামানতের অর্থ সরকারের অনুকূলে বাজেয়াপ্ত হবে।

১৭। ০৩ (তিন) বৎসর মেয়াদে ইজারাকৃত মহালের ২য় ও ৩য় বৎসরের সম্পূর্ণ ইজারামূল্য, ভ্যাট ও আয়করসহ যথাক্রমে ১ম ও ২য় বৎসরের ১৫ টৈত্রের মধ্যে পরিশোধ করতে হবে। অন্যথায় স্বয়ংক্রিয়ভাবে বন্দোবস্ত/ইজারা বাতিল হবে এবং রক্ষিত ২০% জামানতের অর্থ সরকারের অনুকূলে বাজেয়াপ্ত হবে। এক্ষেত্রে মহালটি পুনরায় বন্দোবস্ত/ইজারা প্রদানের ক্ষেত্রে মূল্যহ্রাস পেলে অথবা মহালটি ইজারা প্রদান সম্ভব না হলে অবশিষ্ট/সম্পূর্ণ টাকার দায় ইজারাপ্রাপ্ত সমিতির উপর বর্তাবে।

১৮। সরকারি নীতিমালা অনুযায়ী প্রত্যেক বছরের ইজারামূল্যের সাথে ১৫% ভ্যাট ও ৫% আয়কর পরিশোধ করতে হবে।

১৯। কোনক্রমেই ২(দুই)টির অধিক জলমহাল কোন মৎস্যজীবী সমবায় সমিতি/সংগঠনকে ইজারা/বন্দোবস্ত দেয়া হবে না।

২০। ইজারা অনুমোদনকারী কর্তৃপক্ষ কর্তৃক বন্দোবস্ত/ইজারা অনুমোদন হবার সাথে সাথে নিজ দায়িত্বে বন্দোবস্ত/ইজারা চুক্তি সম্পাদন ও সংশ্লিষ্ট উপজেলা ভূমি অফিস হতে ৩ (তিন) দিনের মধ্যে নিজ উদ্যোগে মহালের দখল গ্রহণ করতে হবে। যথাসময়ে মহালের দখল না পাওয়ার অজুহাতে পরবর্তীতে কোন ওজর আপত্তি গ্রহণ করা হবে না। লীজ চুক্তি সম্পন্ন ব্যতিত মহালের দখল হস্তান্তর করা হবে না এবং মহালের দখল গ্রহণ না করে মৎস্য আহরণ করা যাবে না।



২১। জলমহালের ইজারার মেয়াদ পহেলা বৈশাখ থেকে শুরু হবে এবং বছরের যেকোন সময়ে জলমহালের বন্দোবস্ত/ইজারা গ্রহণ করলেও ইজারার মেয়াদ পহেলা বৈশাখ থেকে কার্যকর হবে এবং একই বছরের ৩০ চৈত্র তারিখে তা শেষ হবে। যদি এই সময়ের মধ্যে কোন কারণে খাস কালেকশন করা হয় তবে তা সরকারি খাতে জমা হবে, ইজারাপ্রাপ্ত সমিতি/সংগঠন পাবে না।

২২। ইজারা গ্রহীতা সমিতি কোনক্রমেই লীজকৃত জলমহাল কাহারও নিকট হস্তান্তর বা সাবলীজ প্রদান করতে পারবেন না। যদি সাবলীজ দেয়া হয় তাহলে উক্ত জলমহালের বন্দোবস্ত/ইজারা বাতিলসহ জামানতের অর্থ সরকারের অনুকূলে বাজেয়াপ্ত করে মহালটি পুনরায় বন্দোবস্ত/ইজারা প্রদান করা হবে। ঐ ইজারাপ্রাপ্ত সমিতি পরবর্তী বছর জলমহাল বন্দোবস্ত সংক্রান্ত কোন আবেদন করতে পারবেন না।

২৩। সম্পূর্ণ ইজারামূল্য, ভ্যাট ও আয়কর বাবদ অর্থ পরিশোধ ব্যতিত মহালের লীজ দলিল সম্পাদনসহ দখল প্রদান করা হবে না। সরকার কর্তৃক সময়ে সময়ে জারিকৃত নির্দেশ ও অন্যান্য কর যদি প্রযোজ্য হয় তাও পরিশোধ করতে ইজারা প্রাপ্ত সমিতি বাধ্য থাকবেন।

২৪। ০৩ (তিন) বৎসর মেয়াদের জন্য ইজারাকৃত মহালের ইজারা মেয়াদের মধ্যে মহালটি সরকার বরাবরে সমর্পণ/প্রত্যর্পন করা যাবে না।

২৫। জেলা জলমহাল ব্যবস্থাপনা কমিটির সিদ্ধান্তের বিরুদ্ধে আবেদনকারী সংক্ষুদ্র সমিতি যদি জামানত ফেরৎ না নিয়ে থাকেন তবে উক্ত সিদ্ধান্তের ০৭ (সাত) কার্যদিবসের মধ্যে সংশ্লিষ্ট বিভাগীয় কমিশনার এর নিকট আপীল দায়ের করতে পারবেন। বিভাগীয় কমিশনারের সিদ্ধান্তের বিরুদ্ধে সংক্ষুদ্র সমিতি ০৭ (সাত) কার্যদিবসের মধ্যে ভূমি আপীল বোর্ডে আপীল দায়ের করতে পারবেন।

২৬। যে সকল জলমহালের উপর উর্ধ্বতন কর্তৃপক্ষের/মন্ত্রণালয়ের স্থগিতাদেশ/সিদ্ধান্তের অপেক্ষায় অথবা কোন আদালতের স্থগিতাদেশ/স্থিতাবস্থার আদেশ/নিষেধাজ্ঞার আদেশ রয়েছে ঐ সকল মহালের স্থগিতাদেশ/স্থিতাবস্থার আদেশ/নিষেধাজ্ঞার আদেশ প্রত্যাহারের পর কর্তৃপক্ষের অনুমোদন সাপেক্ষে ইজারা কার্যক্রম গ্রহণ করা হবে। এতদব্যতিত কোন মহালের উপর বা মহালের কোন দাগের উপর বিজ্ঞ/মহামান্য আদালতের স্থগিতাদেশ/স্থিতাবস্থা/নিষেধাজ্ঞার আদেশ থাকলে তা উল্লেখ করা না হলেও তা ইজারা বহির্ভূত থাকবে।

২৭। মামলা জনিত কারণে/উর্ধ্বতন কর্তৃপক্ষের আদেশের কারণে বা অন্য কোন আইনসংগত কারণে জলমহালসমূহ সময়মত দখল না পাওয়ার বিষয়ে কোন অজুহাত গ্রহণযোগ্য হবে না। দখল প্রদানের সময়কাল পহেলা বৈশাখ ১৪২৬ বাংলা সন হতে কার্যকর হবে।

২৮। জলমহাল ইজারা গ্রহণ করে কোন অজুহাত কিংবা আপত্তি দাখিল করলে তা গ্রহণযোগ্য হবে না। ইতোপূর্বে মহালের উপস্থিত ভোগ করা হয়েছে এ সংক্রান্ত আপত্তি গ্রহণ করা হবে না।

২৯। ইজারা গ্রহীতা সমিতি জলমহাল ইজারা গ্রহণ করে মাছ ধরার মৌসুমে সেচ দিয়ে সম্পূর্ণ পানি নিষ্কাশন করে অথবা বিষ প্রয়োগ করে মৎস্য আহরণ করতে পারবেন না। শর্ত অমান্যকারী সমিতির বিরুদ্ধে বিধি মোতাবেক আইনানুগ ব্যবস্থা গ্রহণ করা হবে।

৩০। তালিকায় বর্ণিত জলমহালের বিস্তারিত তপশীল এ কার্যালয়ের রাজস্ব শাখা হতে জানা যাবে।

৩১। উপরে বর্ণিত তথ্যাদি ছাড়াও অন্য কোন বিষয়ে জানতে হলে তা সংশ্লিষ্ট অফিস হতে জানা যাবে।


৩২। জলমহাল ইজারা সম্পর্কিত যাবতীয় তথ্য এ কার্যালয়ের রাজস্ব শাখা/সংশ্লিষ্ট উপজেলা নির্বাহী অফিসারের কার্যালয় হতে প্রত্যহ অফিস চলাকালীন সময়ে জানা যাবে।

৩৩। যে কোন আবেদন গ্রহণ বা বাতিলের বিষয়ে কমিটির সিদ্ধান্ত চূড়ান্ত বলে গণ্য হবে।

এম কাজী এমদাদুল ইসলাম
জেলা প্রশাসক
সিলেট
ফোন : ০৮২১-৭১৬১০০

অনুলিপি :

- ০১। সচিব, ভূমি মন্ত্রণালয়, বাংলাদেশ সচিবালয়, ঢাকা
- ০২। চেয়ারম্যান, ভূমি সংস্কার বোর্ড, ঢাকা
- ০৩। কমিশনার, সিলেট বিভাগ, সিলেট
- ০৪। জেলা প্রশাসক, সুনামগঞ্জ/হবিগঞ্জ/মৌলভীবাজার
- ০৫। পুলিশ সুপার, সিলেট
- ০৬। জেলা মৎস্য কর্মকর্তা, সিলেট
- ০৭। জেলা সমবায় কর্মকর্তা, সিলেট
- ০৮। উপ-পরিচালক, কৃষি সম্প্রসারণ অধিদপ্তর, সিলেট
- ০৯। নির্বাহী প্রকৌশলী, পানি উন্নয়ন বোর্ড, সিলেট
- ১০। উপ-পরিচালক, সমাজসেবা অধিদপ্তর, সিলেট
- ১১। বিভাগীয় বন কর্মকর্তা, সিলেট
- ১২। উপজেলা নির্বাহী অফিসার,(সকল), সিলেট। সংযুক্ত বিজ্ঞপ্তিটি তাঁর কার্যালয়ের নোটিশ বোর্ডের মাধ্যমে তাৎক্ষণিকভাবে প্রচারের ব্যবস্থা গ্রহণের জন্য বিশেষভাবে অনুরোধ করা হলো।
- ১৩। আঞ্চলিক পরিচালক, বাংলাদেশ বেতার, সিলেট। তাঁকে বেতার মারফত বিজ্ঞপ্তিটি বহুল প্রচারের ব্যবস্থা গ্রহণের জন্য অনুরোধ করা হলো।
- ১৪। উপ-পরিচালক, বিভাগীয় তথ্য অফিস, সিলেট। তাঁকে মাইকযোগে বিজ্ঞপ্তিটি বহুল প্রচারের ব্যবস্থা গ্রহণের জন্য অনুরোধ করা হলো।
- ১৫। জেলা মহিলা বিষয়ক কর্মকর্তা, সিলেট।
- ১৬। সহকারী কমিশনার (ভূমি),(সকল), সিলেট। বিজ্ঞপ্তিটি বহুল প্রচারের ব্যবস্থা গ্রহণের জন্য এবং সংযুক্তির এক কপি জারি করে জারির প্রতিবেদন প্রেরণের জন্য অনুরোধ করা হলো।
- ১৭। সহকারী কমিশনার, আইসিটি শাখা, জেলা প্রশাসকের কার্যালয়, সিলেট। বিজ্ঞপ্তিটি জেলা প্রশাসনের ওয়েবসাইটে বহুল প্রচারের ব্যবস্থা গ্রহণের জন্য অনুরোধ করা হলো।
- ১৮। উপজেলা মৎস্য কর্মকর্তা,(সকল), সিলেট
- ১৯। ইউনিয়ন ভূমি সহকারী কর্মকর্তা, ইউনিয়ন ভূমি অফিস, সিলেট
- ২০। সম্পাদক, দৈনিক। এসাথে প্রেরিত বিজ্ঞপ্তি আপনার দৈনিক পত্রিকায় ভেতরের পাতায় সীমিত পরিসরে (Single space) কেবলমাত্র ০১ (এক) দিনের জন্য জরুরি ভিত্তিতে প্রকাশের জন্য অনুরোধ করা হলো।
- ২১। নোটিশ বোর্ড
- ২২। অফিস নথি/মাস্টার নথি



এম কাজী এমদাদুল ইসলাম
জেলা প্রশাসক

ও

সভাপতি

জেলা জলমহাল ব্যবস্থাপনা কমিটি
সিলেট

ফোনঃ ০৮২১-৭১৬১০০